



36  
cation a la Royne a ce quelle suppliaſt le Roy  
pour La ſaluation de Laureolle. Et en allant  
a elle avec ceſte de termination comme celle  
qui tant participoit en La douleur de ſa fille  
La Rencontre en vne ſalle qui venoit de  
faire ce de quoy la vouilloys ſupplier a compai  
gnie de pluſieurs grandes et excellantes dames  
Lauctorite deſquelles eſtoit bien ſuffiſant po  
obtenir quelque choſe que ſe ſoit tant fuſt elle  
Inuſte et graue. Et beaucoup moins rien deb  
uoit eſtre Refuſee Lauctorite de la Royne La  
quelle Les genoulx en terre luy diſt parolles  
non moins ſages pour le couraſſer que  
piteuſes pour le mitiguer Luy diſoit La mo  
deration qui conuenoit es Rols reprenant  
Leur perſeuerance en leur ire alleguoit tant  
ſages Raiſons pour noter que appaſſionnes po  
ſentir Luy ſuppliant que ſi Jugement tant cru  
el vouloit faire quil y uſſiſt faire ſatiffaire  
avec la mort d'elle meſmes Et que ſa auoit pas  
ſe La plus part de ſes ans et quil laiſſaſt a La  
reolle La vie qui tant en eſtoit digne pour  
ſon aage Innaturee Luy prouuoit que La  
mort de Linnocente eſtandroit La Renommee  
du Juge La vie de la condempnee et Le bien  
de celle qui Luy ſupplioit mais tant eſtoit Le  
Roy obſtine en ſon propos que puſſance aucune  
ne peuvent auoir emiers Luy les parolles pro  
ferrees Et les larmes eſpandues de La Royne  
Laquelle en ceſt eſtat ſen Retourna en ſa  
chambre avec petite force pour plorer et encores